

**Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginartumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaanerani periarfissaqarnerseqqersarissaasoqarnissaa anguniarlugu Naalakkersuisut Rigsmyndighed attaveqarfigissagaa pillugu Inatsisartut aalajangiiffigisassaattut siunnersuut.**  
*(Inatsisartunut Ilaasortaq Anna Wangenheim, Demokraatit)*

pillugu

## **Ilaqutariinnermut Peqqissutsimullu Ataatsimiititaliap**

**siunnersuutit aappassaaneerseqarnerannut**

### **ISUMALIUTISSIISSUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Anna Wangenheim, Demokraatit, siulittaasuugallartooq

Inatsisartunut ilaasortaq Hans Peter Poulsen, Siumut

Inatsisartunut ilaasortaq Mikivsuk Thomassen, Inuit Ataqtigiit

Inatsisartunut ilaasortaq Eqaluk Høegh, Inuit Ataqtigiit

Inatsisartunut ilaasortaq Dines Mikaelson, Siumut

Inatsisartunut ilaasortaq Najaaraq Møller, Siumut, sinniisussaq

Inatsisartunut ilaasortaq Paneeraq Olsen, Naleraq, sinniisussaq

UKA 2022-imi oktoberip 26-iani siullermeerinerup kingorna siunnersuut ataatsimiititaliap misissorpaa.

### **Siunnersuutit imarisaa siunertaalu**

Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu assigiinngissutsit ilumut naammaginartumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaanerani periarfissaqarnerseqqersarissaasoqarnissaa anguniarlugu Naalakkersuisunit Rigsmyndighedi attaveqarfigineqarnissaa pillugu Inatsisartut aalajangiiffigisassaattut siunnersuuteqarnermigut siunnersuuteqartup anguniarpaa.

### **Siunnersuutit Inatsisartunit siullermeerseqarnera**

Siullermeerinninnermi siunnersuut tigulluarneqarpoq, angajoqqaat aqqusaartarsimasaat misissuiffigineqarnerinut atatillugu ajornartorsiutaasut pillugit oqallittoqangaatsiarluni. Ajornartorsiutip minnerpaaffianiinnissaa pillugu suliniuteqartoqarnissaa aamma annertuumik isumaqatigineqarpoq:

*”Maannakkut angajoqqaatut piginnaasanik misissuisarnermut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerisigut kulturikkut oqaatsitigullu naammaginaratumik isiginiarneqarnerussanersut qulaajaaffiginissaa siunertaralugu Naalagaaffiup Oqartussaasuinut saaffiginnittoqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut. Piaarnerpaamik kalaallit angajoqqaat misissorneqarnerinut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atorneqarnerat aallarteqqullugu Naalagaaffiup Oqartussaasui kajumissaarneqarput”.*

### **Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassat siunnersuutip piviusunnngortinneqarnissaanut aningaasaqarnikkut allaffissornikkullu kingunerisassat siunnersuummi allaaserineqassasut.

Taamaalilluni siunnersuutip piviusunnngortinneqarnerani aningaasatigut kingunerisassaattut taaneqartut siunnersuummut naapertuuttut ataatsimiititaliap maluginiarpaa, taamaalilluni aningaasartuutit annikinnerpaaffissaannut missingerneqarsinnaaniassammata, Rigsmyndiginut attaveqartarneq nalinginnaasumik ulluinnarnilu sulinerup nalaani ingerlanneqartarnissaa naatsorsuutigineqarmat. Tamatuma saniatigut siunnersuummut sinaakkusiussassat saniatigut aningaasartuutit danskit naalagaaffiannit isumagineqartarnissaat siunnersuuteqartup naatsorsuutigaa.

### **Allakkatigut apeqquteqaatit**

Ataatsimiititaliap suliarinninnermini allakkatigut apeqqutinik arlalinnik Naalakkersuisunut nassiussaqqarpoq. Taakku isumaliutissiisummi ilanngussatut kakkiunneqarput.

### **Ataatsimiititaliap siunnersuutininik suliarinninnera**

Inatsisartunit pitsaasumik tiguneqarnera aammalu angajoqqaajunissamat piginnaasanik misissuisarnerit ilaqaataasut tamarmik sunnerneqartartut aammalu iliuuseqartoqartariaqartoq ajornartorsiutigineqartorlu pillugu eqqumanerulernissaq pisariaqartoq aallarniutigalugu ataatsimiititaliamit oqaatigineqassaaq. Kulturikkut malussarniutit ukiorpassuarni ineriartortinneqarsinnaasut Naalakkersuisut akissuteqaataanni allassimavoq. Periutsit ineriartortinneqarnissaat piffissartornarsinnaasoq ataatsimiititaliamit isumaqatigineqarpoq, ilutigisaanillu periutsit taamaattut ineriartortinneqarnissaat angajoqqaajunissamat

piginnaasanik misissuinermi sapinngisamik pitsaanerpaamik qulakkeerinninnissamut peqatigisaanillu sulisunik kalaallisut oqaasilinnit ingerlanneqarunik pitsaanerpaasoq erseqqissaatigalugu.

Naalakkersuisut allannguutissatut siunnersuutaat siunnersuutaaqqaartumut allaanerussutigaa peruserineqartartup allangortinneqarnissaanut samminerummat, taamaalilluni misissuinerne tarnip pissusaanik immikkut ilisimasallit inunnillu isumaginnittutut ilinniarsimasut Kalaallit Illuini atorfillit atorineqartartussaammata. Sapinngisamik piaartumik angajoqqaajusut kalaallit misissorneqarnerini sulisunik kalaallisut oqaasillit atorineqartalernissaat aallarteqqullugu Naalakkersuisut Rigsmyndig-it kaammattorumavai.

Tarnip pissusaanik ilisimasallit isumaginninnikkullu ilinniarsimasut allat kalaallisut oqaasillit naammattut Kalaallit Illuini sulilernissaat Naalakkersuisut qanoq qulakkeerniarneerat paasisaqarfigissallugu ataatsimiititaliap soqutigaa. Angajoqqaajunissamut piginnaasanik misissuinerne aammalu isumaginninnermik ilinniarsimasunik Kalaallit Illuini sulisunik atuisarnissamik kiisalu sulianut ataasiakkaanut tunngatillugu siunnersortinik avataaneersunik atuisarnissamik Rigsmyndigehedit kaammattorneqassasut Naalakkersuisut akissuteqaataanni allassimavoq. VIVE-p nalunaarusiaa tunngavigalugu qaffassaanissamut imaluunniit isumalluutunik amerlanerusunik pisariaqartitsisoqanngitsoq Naalakkersuisut naliliipput.

Angajoqqaajunissamut piginnaasanik misissuisarnerup unitsinneqarnissaanut Naalakkersuisut piginnaatitaaffeqanngillat, allaffissornikkulli isumaginninnermut attaveqaatitut ataatsimiititaliap, socialminitereqarfiup aamma Meeqqanut, Inuusuttunut, Ilaqutariinnermut Isumaginninnermullu Naalakkersuisoqarfiup akornanni oqaloqatigiinnerit aallartinneqarsimallutik.

Oqallinnerup ingerlanerani Mentor Emanuel arlaleriarluni taaneqartartoq ataatsimiititaliamit maluginiarneqarpoq. Mentor Emanuelip pisortatigoortumik suleqatigineqalernissaanut Rigsmyndigehedit Naalakkersuisunit peqquneqarsinnaanngitsut allakkatigut akissuteqaatiminni Naalakkersuisut oqaatigaat.

Meeqqap inissinneqarsimasup oqaasii, kultura kinaassusaalu attatiinnarneqarnissaannut Naalakkersuisut qanoq qulakkeerniarneerat pillugu qulaajaasoqarnissaa ataatsimiititaliamit aamma soqutigineqarpoq. Tassunga Naalakkersuisut akipput, inissiinerup nalaani meeqqap angajoqqaallu akornanni atassuteqartarnissaq qulakkeerneqartartoq aammalu angajoqqaat tapersersorneqarnissaannut meeqqallu angerlarteqqinneqarnissaanut ikiorneqarnissaannut qulakkeerisoqartartoq. Aammalu angajoqqaat kalaallit kommuninit tapersersorneqartariaqaraluartut.

### **Ataatsimiititaliap inassuteqaatai**

- *Ataatsimiititaliap isumaqatigiittoq Naalakkersuisut allannguutissatut siunnersuutaat*

*akuerineqassasoq inassutigaa*

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Anna Wangenheim  
Siulittaasuugallartoq



Hans Peter Poulsen




Mikivuk Thomassen



Eqaq Høegh



Dines Mikaelson



Paneeraq Olsen



Uunga Inatsisartut Ilaqutariinnermut Peqqissutsimullu Ataatsimiititaliaat

11-11-2022  
Suliap normua 2022 - 17979  
Allakkiap ilisarnaataa 21734445

Postboks 260  
3900 Nuuk  
Oq. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

## **UKA2022/131-p ataatsimiititaliami suliarineqarneranut atatillugu allakkatigut apeqqutinut akissutit**

Asasara Ilaqutariinnermut Peqqissutsimullu Ataatsimiititaliaq.

Apeqqutinut qujanaq. Apeqqutit ataasiakkaarlugit ataani allassimapput akissutaannik ilalerlugit.

### **1. Danmarkimi kalaallit illuini tarnip pissusaanik ilisimasalinnik allatullu isumaginninnermik ilinniagalinnik naammattunik sulisoqalernissaat Naalakkersuisunit qanoq qulakkeerneqassava? Sulisut amerlineqassappat amerlanerusunillu aningaasaliisoqarluni?**

Danmarkimi kalaallit angajoqqaat angajoqqaatut piginnaasaasa misissorneqarneranni tarnip pissusaanik ilisimasallit kalaallit atorneqartarnissaat Naalakkersuisut naalagaaffimmi oqartussanut innersuussutiginiarpaat. Ilutigitiillugu isumaginninnermik ilinniarsimasut kalaallit illuinut attuumassuteqartut atorneqartarnissaat naalagaaffimmi oqartussanut aamma innersuussutigineqassaaq, taakku kalaallit oqaasiannik, kulturiannik kinaassusaannillu aamma ilisimasaqarluarmata.

Naalakkersuisunit aamma innersuussutigineqassaaq tarnip pissusaanik ilisimasallit isumaginninnermillu ilinniagalit sulianut ataasiakkaanut atatillugu siunnersortitut atuutsinneqartarnissaat.

VIVE-mit nalunaarusiami: Kalaallit meeqqat Danmarkimi angerlasimaffiup avataani inissinneqarsimasut – Danmarkimi kommuninit (Børn med grønlandsk baggrund, der er anbragt i Danmark – Fra danske kommuner) (2022) kisitsisit kalaallit meeqqat Danmarkimi angerlarsimaffiup avataanut inissinneqarsimasut amerlassusaannik takutitsisut tunngavugalugit sulisut amerlinissaannut amerlanerusunilluunniit aningaasaliinissamut pisariaqanngitsoq Naalakkersuisut naliliipput.

### **2. Angajoqqaat piginnaasaannik misissuinerit oqaatsinut kulturimullu periaatsinut atatillugu naleqqussagaanginnerat pissutigalugit kalaallinut atorneqartarnerat unitsinniarlugi Naalakkersuisut Socialministeriamik oqaloqateqarniarpa?**



Naalakkersuisut Danmarkimi angajoqqaat piginnaasaannik misissuinerit inernerat tunngavigalugu Danmarkip kalaallinik angajoqqaanik naliliisarunnaarseqqunissaanut pisinnaatitaangillat, tamatumingali oqaloqatiginnikkusullutik.

Oqaloqatigiinneq allaffissornikkut Socialministeriap kiisalu meeqqanut, inuusuttunut ilaqutariinnullu aamma isumaginninnermut naalakkersuisoqarfiit akornanni isumaginnineq pillugu attaveqarnermut ataatsimiititaliami aallartereerpoq.

**3. Suliani peqatigiiffiup ilisimasai atorneqarsinnaaniassammata Mentor Immanuelimik ileqqussanngortillugu suleqateqalernissaq pillugu Naalakkersuisut Socialministeriamik oqaloqateqassava?**


Naalakkersuisut Social- og ældreministeria peqqusinnaangilaa Mentor Immanuelimik suleqateqarnerup ileqqussanngorteqqullugu. Mentor Immanuel nammineerluni aalajangissaaq taamannak suleqateqarnissamik kissaateqarnerluni.

**4. Meeqqap oqaatsit, kulturi kinaassuserlu peqqaatigisai attatiinnarnissaat Naalakkersuisut qanoq qulakkeerniarpaat?**

Meeraq angerlarsimaffiup avataanut inissineqaraangat meeqqap oqaatsit, kulturi kinaassuserlu peqqaatigisai attatiinnarnissaannut ikorfartorneqarsinnaavoq inissiinerup nalaani meeqqap angajoqqaallu akornanni pingaarutilimmik attaveqarnerup qulakkeerneratigut kiisalu meeqqap angajoqqaanit paarineqalerluni angerlarteqqinneqarnissaanut angajoqqaat ikorfartornerat qulakkeerneratigut.

Inissiinerimi kalaallit angajoqqaat kommuninit ikorfartorneqartariaqarput ajornartorsiutaannillu aaqqiinissamut ikiorlugit. Tamanna angerlarsimaffinnik toqqissisimanartunik pitsaasunillu pilersitsinissamut iluaqutaassaaq meeqqap angajoqqaanut angerlartinneqarumaarsinnaalersillugu.

Inussiarnersumik inuulluaqqusillunga

  
Mimi Karlsen